



UNIVERSITÄTS-
BIBLIOTHEK
PADERBORN

Universitätsbibliothek Paderborn

Historia Provinciæ Paraquariæ Societatis Jesv

Techo, Nicolas

Leodii, MDCLXXIII.

Cap. 18. Obstaculum Evangelicæ prædicationis ab Vrvaïca amovetur.

urn:nbn:de:hbz:466:1-38528

Et Ariolo-
rum.

CAPUT
XVII.
Obstaculū
Evangelicæ
predicatio-
nis ab Ur-
vaca amo-
vetur.

*Conceptionis
oppidum nu-
tus.*

1625.

*Jaguapinius
capitus.*

CAPUT
XVIII.
De Joannis
Quaraci
Arioli mo-
ribus &
morte.

*Joannes
Quaracius
morti eripi-
tus.*

*Itatinenses
decipi-
tus.*

solo aculeolis suis diu noctuque fodicantes, nullâ quiete datâ pertinacissimè eos infestarent. Præterea arioli quibusvis feris & cyniphibus molestiores iis erant, adeò ut Ruiérius scriberet, inter hos populos durate, sine specialissimo Dei favore, prorsus fore intolerabile: sed Deus Optimus Maximus inexplicabilibus deliciis eorum animos imbuebat, qui se volentes lubentesque in media Barbaric gloriofis ærumnis consecrant. Indicibili Sociorum diligentia pedetentim à plerisque Casiquis, infrà & suprà oppidum incolentibus, obtentum, ut se perducerent: quamquam nunquam deerant, qui dæmonis clientes se professi Evangelio resisterent.

DUM hæc aguntur, Nicolaus Durandus Mastrillus Provincialis alia Paranæ oppida inspiciebat, qui quamvis ad novum Acaraïense oppidum non ascenderit: ausus tamen terrestri itinere ad Urvaienses penetrare, reperit Conceptionis oppidum, ob Paranensium Ethnicorum secretas machinationes, & pestem singularis annis grassantem, suspicionesque Barbarorum, nutare: voluitque coram, advocatis in consilium frequentibus Sociis, disceptari, num oppidum ab quinquennio incepsum, & paucitate laborans, continuandum deferendum esse. Re ultrò citroque agitatâ, prævaluit Rochi Gonsalvii, & Alfonsi Aragonæ, qui ibi curabant, sententia, sentientium, constantia, & remotione obstaculorum, contradæmonem, immensæ Provinciæ spem everttere conantem, obnitudinem esse. Aiebant enim, circa Paranæ initia per sexennium integrum contra Barbarorum perfidiam, pestis grassationem, dæmonum fuorem, Socios obluctatos fuisse: longè diutius Cataldinum & Maçetam in duobus Guairaniæ oppidis se continuuisse: sperandum etiam esse, si non retrocederetur, fore ut aliquando grande constantia præmium, devictis Urvaiensibus, reportaretur. Cui sententiæ subscrivens Provincialis, Rocho Gonsalvio in mandatis dat, ut omni adhibito conatu obstacula amovat. Et profecto statim ingens amotum est, capto Jaguapino Paranensi Casiquio, jamdiu secretis machinationibus Sociorum labores summo nisu evertere conato. Persuaserat is Urvaiensibus Ethnicis, ut non longè procul ab eo loco, ubi Rochus Gonsalvius Conceptionis oppidum fundaverat, aliud magus construerent, è quo conjunctis viribus bellum Neophytis inferrent, prohiberentque religionem Christianam ultra propagari: sed acceptis tanti mali indicis, Paranenses Neophyti facta manu Jaguapini pagum invadunt: quo capto, & in exilium transportato, duplice emolumento novella Urvaiaca & Paranæ oppida cumulata sunt. Nam Jaguapinius ad partes Christi cum omnibus affeclis transit, & deinceps per Urvaiensem Provinciam victoria triumphantis Fidei Christianæ arma, fundatis multis oppidis (uti suis locis narrabimus) Gonsalvio duce Socii circumulerunt. Inter has turbas centum & quinquaginta quatuor in eo oppido Christianis additi sunt.

AD Paranam quamvis nova veteresque Neophytorum coloniæ frequentibus Ethnicorum accessionibus Sociorum industriæ increscerent, spesque esset totum fluvium sub Christijugum brevi missum iri: tamen nec hic dæmon quiescebat, qui ad eludendos Sociorum conatus, Joannem Quaracium, magum perversis facinoribus famosissimum, in Paranam induxit, totum sine dubio corrupturum, nî in antagonistas eludendis stygiis artibus exercitatiissimos incidisset. Is magus in Guairania olim natus Baptismo se tingi eo fine permiserat, ut dissimulatiū noceret. E patria in varias semotasque terras peregrinatus, sparso ubique superstitionum veneno, quoscumque poterat ab Christi cultu avertere conabatur. In Assumptionis urbe, ob nota scelera, Judicis sententia furca adjudicatus, imprudenti nescio cuius hominis favore morti creptus, ad Sanctæ Fidei urbem in exilium transportatus est. Unde adverso Paranâ fugiens, Itatinensi Neophytorum oppido, Franciscanis Patribus subiecto, clam se intulit. Et ut erat vafer, ab Itatinensibus impetravit, ut se quām occultissimè haberent. In his latebris, malefici sermonibus plororumque animis sibi devinctis, ab credula gente facilè obtinuit, ut frequentissimi ad se audiendum noctu concurrerent. Portò nocturni doctoris hæc erant dogmata. Caverent ab Christianis & Religiosis Sacerdotibus, quos scirent ad Indorum perniciem esse

consecratos.